



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გეგელია თადეოზ გიორგის ძე

გეგელია თადეოზ გიორგის ძე [3 (16). III. 1905, სოფ. სალხინო, სენაკის მაზრა, ახლანდ. მარტვილის მუნიციპ-ი, - 2. XII. 1973, თბილისი], ჰიდროენერგეტიკოსი. ტექ. მეცნ. დოქტორი (1969), პროფესორი (1971), საქართვე. დამს. ინჟინერი (1965).

1933 დაამთავრა ამიერკავკ. ინდუსტრ. ინ-ტი. 1933-43 მუშაობდა თბილ. ა. ვინტერის სახ. ნაგებობათა და ჰიდროენერგეტ. სამეცნ.-კვლ. ინ-ტში ჰიდროტექ. ლაბორ. გამგედ, 1943-45 - საქ. კპ ცენტრ. კომიტეტში თბოენერგეტ. განყ-ბის გამგის მოადგილედ, 1945-66 - საკავშ. სამეცნ.-კვლ. და საპროექტო ინ-ტის „ჰიდროპროექტის“ თბილ. განყ-ბის (ახლანდ. თბილ. საპროექტო-საძიებო ინ-ტი „ჰიდროპროექტი“) დირექტორად, 1966-71 - ენერგეტ. და ჰიდროტექ. ნაგებობათა საქართვე. სამეცნ.-კვლ. ინ-ტის დირექტორად. გ-ს ხელმძღვანელობით დაგეგმარდა ხრამის I და II, გუმათის I და II, ლაჯანურის, სამგორის, ტყიბულის, ენგურისა და სხვა ჰესები. მიღებული აქვს სახელმწ. ჯილდოები.

თბზ.: Донные и бычковые водозаборные плотины. Тб., 1959; Опыт проектирования и строительства водохранилищных плотин в Грузии, Тб., 1963; Плотины гидроэлектростанций Грузии, Тб., 1971.
